



20 19 -yil « 12 » 12 № 08-650 « \_\_\_\_ » \_\_\_\_ 20 \_\_\_\_ года

**Ўзбекистон Республикаси Вазирлар Маҳкамасининг 2019 йил  
3 декабрдаги 967-сон қарори ижросини таъминлаш тўғрисида**

Ўзбекистон Республикаси Вазирлар Маҳкамасининг 2019 йил 3 декабрдаги “Олий таълим муассасаларини босқичма-босқич ўзини ўзи молиялаштириш тизимига ўтказиш тўғрисида”ги 967-сон қарори ҳамда Ўзбекистон Республикаси адлия вазирининг 2019 йил 12 декабрдаги “Ўзбекистон Республикаси Вазирлар Маҳкамасининг 2019 йил 3 декабрдаги “Олий таълим муассасаларини босқичма-босқич ўзини ўзи молиялаштириш тизимига ўтказиш тўғрисида”ги 967-сон қарори ижросини таъминлаш ҳақида”ги 380-ум-сон буйруғи ижросини таъминлаш мақсадида

**Б У Ю Р А М А Н:**

1. Ўзбекистон Республикаси Вазирлар Маҳкамасининг 2019 йил 3 декабрдаги 967-сон қарори (кейинги ўринларда – қарор) ҳамда Ўзбекистон Республикаси адлия вазирининг 2019 йил 12 декабрдаги 380-ум-сон буйруғи (кейинги ўринларда – буйруқ) маълумот ва ижро учун қабул қилинсин.

2. Буйруқ билан:

Тошкент давлат юридик университети (кейинги ўринларда – Университет деб юритилади)нинг 2020 йил 1 январдан бошлаб тажриба-синов тариқасида ўзини ўзи молиялаштириш тизимига ўтаётган олий таълим муассасалари рўйхатига киритилганлиги;

қўшимча таълим хизматларини кўрсатиш, иқтисодиёт тармоқлари мутахассисларининг малакасини ошириш ва бошқа пуллик хизматларни жорий этиш;

тегишли соҳадаги долзарб муаммоларни ҳал этишга йўналтирилган илмий изланишларни ташкил этиш, соҳа бўйича илмий ва илмий-педагог кадрлар тайёрлаш, илмий-тадқиқот муассасалари билан ҳамкорликда соҳанинг илмий муаммоларини ҳал этишга йўналтирилган фундаментал, амалий ва инновацион изланишларни амалга ошириш;

республика ва хорижий олий таълим муассасалари ҳамда илмий марказларга истикболли ёш битирувчиларни магистратура ва докторантурага

мунтазам юбориш орқали олий таълим муассасасининг илмий-педагогик салоҳиятини доимий ошириб бориш;

замонавий педагогик технологиялардан кенг фойдалана оладиган ва илмий изланиш олиб борадиган профессор-ўқитувчиларни танлаш мақсадида олий таълим муассасаси ҳамда профессор-ўқитувчилар ўртасида бир йиллик муддатли шартномалар тузиш амалиётини давом эттириш;

2020/2021 ўқув йилидан бошлаб, тўлов-контракт асосида қабул қилинган талабалар учун тўлов-контракт қиймати Адлия вазирлиги билан келишилган ҳолда ҳамда талабаларнинг тўлов-контракт маблағларини тўлаш муддатлари томонларнинг ўзаро келишувига кўра шартнома асосида белгиланишини таъминлаш;

Университет васийлик кенгаши томонидан тасдиқланган молиялаштириш манбалари кесимида шакллантирилган молиявий ҳисоботи белгиланган тартибда Адлия вазирлигига ҳамда Молия вазирлигига тақдим этиб боришини таъминлаб бориш белгиланганлиги инобатга олинсин.

3. Юрисконсульт А. Сафаров, Бош бухгалтер (А.Иминов), Молия-иқтисод бўлими (А.Рахимов):

2019 йил 27 декабрга қадар қарор талабларидан келиб чиқиб 2018 йил 8 февралдаги Университет васийлик кенгашининг баёни билан тасдиқланган Тошкент давлат юридик университети васийлик кенгаши тўғрисидаги низомни қайта кўриб чиқиб, Адлия вазирлиги билан келишган ҳолда тасдиқлаш;

Университетга оид идоравий норматив-ҳуқуқий ҳужжатларни икки ой муддатда ушбу қарорга мувофиқлаштириш бўйича зарур чораларни амалга оширсин.

4. Мониторинг ва ички назорат бўлими (Д.Худойназаров) мазкур буйруқ юзасидан амалга оширилган ишлар тўғрисида ҳар чорак якуни бўйича Адлия вазирлигига ахборот киритиб борсин.

5. Мазкур буйруқ ижросини назорат қилишни ўз зиммамда қолдираман.

**Адлия вазири  
ўринбосари – ректор**

**Р. Ҳакимов**